



Sarajevo, 22.09.2023. godine

Portal Vijesti.ba
Igmanska b.b. 71320 Vogošća, Sarajevo
n/r glavnog urednika Sedina Čenana

Predmet: Odgovor, dostavlja se

Poštovani,

Ovo ministarstvo je upoznato na isti način kao i mediji da KJKP Toplane d.o.o. Sarajevo našim sugrađanima ispostavlja ponudu, a ne račun na iznos koji ne odgovara onome što je prezentovano putem medija kada je ova aktivnost i započeta.

Ovdje još jednom želim naglasiti da i Ministarstvo od naših sugrađana dobija ove ponude i izraze negodovanja i pitanja zašto umjesto 300 KM trebaju platiti iznose veće od 450 KM.

Tačno je da je ovo ministarstvo objavilo saopćenje i jasno naglasilo da ostajemo kod stava, istog onog kojeg smo prezentovali na pres-konferenciji, da aplikanti plaćaju iznos od 300 KM i ni fenig više.

U proteklih 7 dana održano je nekoliko sastanaka sa KJKP Toplane d.o.o. Sarajevo gdje je pokušano rješavanje ove situacije i problema iznosa od 153 Km koji se vodi kao PDV na ukupan iznos od 900 KM, i još uvijek nije postignut dogovor, a ni pronađen odgovor na osnovno pitanje zašto se aplikantima obračunava ovaj iznos PDV-a.

Ovdje posebno treba imati u vidu, a što je jedno od Vaših pitanja da su Toplane imale obavezu raspisati javni poziv za kupovinu i ugradnju kalorimetara, a sve na osnovu Zakona o javnim nabavkama, te da je na tom javnom pozivu odabrana firma za ove poslove - VMS Group d.o.o. Sarajevo.

Vrijednost ugovorenog posla iznosi 702.400 KM bez uračunatog PDV-a. Koliko smo upoznati nije bilo drugih ponuda, izuzev ponude ove firme.

Ovo ministarstvo razumije da se mnogi naši sugrađani osjećaju prevarenim, ali isto tako ovo ministarstvo je jasno stavilo do znanja da je iznos koji naši sugrađani trebaju platiti 300 KM.

Mi smo spremni da otkazemo ovu aktivnost po pitanju ugradnje kalorimetara, jer i dalje smatramo da su Toplane vlasnici kalorimetara i da nema kupoprodajnog odnosa po pitanju kalorimetara između Preduzeća i aplikantata.

Tender za kupovinu kalorimetara su objavile Toplane i samim tim one su vlasnici tog istog kalorimetra, a u cijenu je ušla i ugradnja te smatramo da je iznos od 900 KM onaj iznos koji predstavlja vrijednost za ugradnju kalorimetra i upravo ono kako je i bilo objavljeno našim sugrađanima prije raspisivanja javnog poziva.

I dalje radimo na usaglašavanju stavova, odnosno i Toplane i Ministarstvo žele da realizuju kompletan posao onako kako je predstavljeno javnosti te stoga molim još malo strpljenja za sve aplikante koji su učestvovali na javnom pozivu kako bi se sve razriješilo na zadovoljstvo svih.

S poštovanjem,



Dostaviti

1. Naslovu
2. a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax:+ 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba